



БОҒИМИЗ БОЛИДАН ТОТИБ КЎРИНГ

Фермер хўжалигимизни ташкил қилганимизга етти йил бўлди. Шу вақт мобайнида ҳосилдорликни ошира бориб, йил сайин баракали хирмон тикляганимиз.

Ҳар сафар Тошкентдан набираларим келганида: “Бобожон, боғларингизни кўрсатинг”, деб кўйишмайдди. Шундай пайтда завқим тошиб кетади. Машинага ўтириб, йўлга тушамиз. Уларга атаб қулча ёпаётган бувижониси ортимиздан ҳай-ҳайлаб қолаверади...

Шу десангиз, 37 гектар жойида боғ қилганмиз. Яримдан кўпи интенсив технология асосида. Бир келсангиз кўрасиз: олма, нок, шафтоли, гилоснинг ажабтовуруларидан бор. Бу боғни барпо этаётганимизда кўчатларни Европадан келтирдик. Эндиликда хорижийликдан қолишмайдиган насл ва ўрта бўйли, эрта ва кечинишар мева кўчатларини ўзимиз етиштирялганмиз. Қисқа вақтда фермерлар, хонадон ва томорқа хўжаликлари учун шундай ниҳолларнинг 100 мингдан ортгини етказиб бердик. Бундан ташқари, арча, қарағай, оқ қайин, каштан, қайрағоч каби манзарали дарахт ниҳолларини ҳам ўстирамиз. Бельгия, Голландия атиргулларининг энг яхши навларини парваришляганимиз.

Кўчатларни экспортга ҳам чиқараялганмиз. Ўтган йили шунинг орқасидан 60 минг АҚШ доллари миқдорда фойда олдик. Жорий йил якунигача хорижга 100 минг АҚШ долларилик кўчат сотамиз, деб турибмиз.

Теп-текис йўлнинг икки ёқасидаги янги олмазор — бизники. Олманинг олди шиши. Улардан узиб, “омонлик-сомонлик” деб набираларга улашаман.

...Ўзимиз ҳам бола бўлганмиз. Олмаю ўрик, нок, гилос жону диллимиз эди. Лекин у вақтларда мева деганлари анқонинг уруғидек гап эди. Бугун-чи? Бугунги серобликни, кўп-баракани кўринг. Бу боғларнинг жойи бир пайтлар пахтазор бўлган, десам, набираларим ҳайрон қолишади.

Умуман, шимиз олдинга қараб кетмоқда. Буларнинг барчаси истиқлол шарофатидан. Мустақиллик туйғули бошқа соҳалар каби фермерлик ҳам кенг ривожланмоқда, таъбир жоиз бўлса, жамиятимизнинг ҳаракатлантурувчи кучи сифатида ўзини намойиш этапти. Ҳар гал бирон муваффақиятга эришганимизда, энг аввало, шулар ҳақида ўйлашга одатланганман. Ҳақиқатан ҳам, истиқлол бизни нури манзилларга элтмоқда.

Захриддин САЙФУДДИНОВ,
Зангиота туманидаги
«Иришкор Сайфуддинов Хонзода»
фермер хўжалиги раҳбари.

Хусусийлаштириш тамойиллари такомиллаштирилмоқда

Олий Мажлис Қонунчилик палатасида Саноат, қурилиш ва савдо масалалари кўмитаси ҳамда Ахборот хизмати ҳамкорлигида матбуот анжумани ташкил этилди. “Хусусийлаштириш тўғрисида”ги қонун лойиҳаси юзасидан олиб борилаётган ишларга бағишланган тадбирда депутатлар, ишчи гуруҳ аъзолари иштирок этди.

ПАРЛАМЕНТДАГИ МУХБИРИМИЗ ХАБАР ҚИЛАДИ

Таъкидланганидек, мазкур ҳуқуқий ҳужжат Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси ижроси доирасида ишлаб чиқилган. Унинг асосий мақсади — нодавлат секторнинг иқтисодийдаги улушини янада кенгайтириш, иқтисодиётнинг етакчи тармоқларига хусусий инвесторларни жалб қилишни рағбатлантириш, салоҳиятли сармоядорларнинг барча тоифалари хусусийлаштириш

жараёнида тенг равишда иштирок этиши, хусусийлаштирилган битимлар очқилги ва ошқоралигини таъминлаш ҳамда мулк ҳуқуқини ҳимоя қилишга қаратилган. Маълумки, қонун лойиҳаси Вазирлар Маҳкамаси томонидан парламент кўйи палатасига киритилиб, биринчи ўқишда Олий Мажлис Қонунчилик палатаси томонидан концептуал жиҳатдан маъқулланган эди. Ўтган давр мобайнида ишчи гуруҳ томонидан қонун лойиҳасини иккинчи

ўқишга тайёрлаш жараёнида муайян ишлар амалга оширилди. Жумладан, 30 дан зиёд йиғилишлар бўлиб ўтиб, муҳокама-ларда депутатлар, тегишли вазирлик, идора, ташкилот вакиллари, мутахассислар, экспертлар қатнашди. Уларда берилган қатор таклифлар такомиллаштириш жараёнларида инобатга олинди. Ўз навбатида, бугунги хусусийлаштириш амалиёти ўрганилиб, хусусийлаштирилган корхоналар фаолияти билан таъминланди, жойларда тадбиркор-

лар билан мулоқотлар уюштирилди. Уларда қонун лойиҳасида давлат мулкнинг алоҳида турдаги объектларини хусусийлаштириш, шу жумладан, “ноль” харид қиймати бўйича хусусийлаштиришнинг ўзига хос жиҳатлари белги-лангани муҳим аҳамиятга эга эканлиги эътироф этилди. Чунки бу тадбиркорлар, инвесторларга хусусийлаштириш жараёнида янада фаол иштирок этиш, ишбилармонлик муҳитини яхшилаш, бюрократик тўсиқларни бартараф



Маҳаллийлаштириш дастури: Истиқболли лойиҳалар, салмоқли натижалар

Бугунги кунда Навоий шаҳридаги “Тизол-Н” МЧЖда базальт толаси, “Кипу-Сервис-Навоий” МЧЖда эса оловга чидамли тигеллар ишлаб чиқарилмоқда. Улар импорт ўрнини босувчи маҳсулотлар бўлиб, Маҳаллийлаштириш дастури доирасида хориж технологияси асосида тайёрланмоқда.

ИСЛОХОТ

Корхона вакиллари таъкидлашча, маҳсулотларнинг сифати юқори, нархи бирмунча арзон. Дарҳақиқат, юқори иқтисодий ўсиш суръатлари ва аҳоли бандлигини таъминлаш, фуқароларнинг турмуш фаровонлигини оширишда ишлаб чиқаришни маҳаллийлаштириш муҳим аҳамият касб этаёпти. Бунда вилоятимизда Маҳаллийлаштириш дастури доирасида истиқ-

болли лойиҳаларни амалга ошириш бўйича чора-тадбирлар ишлаб чиқилиб, унга мувофиқ иш юритилаётгани муҳим омил бўлмоқда. Натижада истеъмолчиларга турли хил тайёр маҳсулотлар ва материаллар етказиб берилмоқда. Масалан, 2013 йил давомида худудда ушбу дастур ижроси тўғрисида 414,7 млрд. сўмлик маҳсулот ишлаб чиқарилиб, белгиланган режа 111,4 фоизга

бажарилди. Шундан 372 млрд. сўмлик ички бозорга сотилган бўлса, 1 млн. 103,8 минг долларлик қисми экспорт қилинди. Президентимизнинг 2014 йил 4 февралдаги “2014 — 2016 йилларга тайёр маҳсулот, бутловчи буюмлар ва материаллар ишлаб чиқаришни маҳаллийлаштириш дастури тўғрисида”ги қарорига биноан, жорий йилда вилоятимизда 12 корхонанинг 27 та лойиҳаси Маҳаллийлаштириш дастурига киритилган. Бу борада рўёбга чиқарилган ишлар самарасида ўтган биринчи чорада 3 миллион 700 минг АҚШ доллари миқдоридан маблағ иқтисод қилин-

ди. Солиқ ва божхона тўловлари бўйича берилган имтиёзлар эвазига олинган қўшимча маблағ эса корхоналарни модернизация қилиш, ишлаб чиқариш қувватини ошириш, ходимларни рағбатлантириш, янги иш ўринлари яратиш ва маҳсулот турларини кўпайтиришга йўналтирилди.

Хулоса ўрнида айтганда, вилоятимизда Маҳаллийлаштириш дастури доирасида ҳаётга татбиқ этилаётган қатор лойиҳалар ўз самарасини бермоқда. Шу маънода, тоғ-кон саноати учун эскирт қисмлар, совуқчи ускуналар, оловга чидамли гишт, эмкар вакцинаси, натрий сульфит, кальций карбит, вермикулит, спорт жиҳозлари, лок-бўёқ тайёрлашни йўлга қўйиш юзасидан сай-ҳаракатлар олиб борилаяпти.

Шерзод АСЛОНОВ,
Навоий вилояти
иқтисодиёт бош
бошқармасининг саноат бўлими бошлиғи.

Уруғидан ёғ, поясидадан мато

Ховос туманидаги “Олимпфарм” МЧЖда Жанубий Америкадан келтирилган лён ўсимлиги парвариш қилинмоқда. Баъзи хусусиятлари зигирга ўхшаш мазкур наботот тури фармацевтика саноати учун муҳим хом ашё манбаи ҳисобланади.

ИЗЛАНИШ

Яъни уруғидан олинадиган ёғ дори-дармон ишлаб чиқаришда кенг қўлланилади. Шунингдек, поясидадан тўқимачилик саноатида фойдаланиш мумкин. Яна бир жиҳати, вегетация даврида кам сув талаб қилганлиги

боис уни лалми ерларга ҳам экса бўлади. Ҳозир жамият аъзолари томонидан 40 гектар майдонда шу ўсимлик парвариш қилинмоқда. — Кузда рапс экишни мўлжалляганимиз, — дейди мазкур жамият раҳ-

бари Комилжон Боймуродов. — Бу ўсимлик ҳам лён каби фойдали. Унинг ёғи фармацевтика саноатида вазелин, косметика соҳасида крем, машинасозликда эса транспортлар учун мой тайёрлашда ишлатилади. Яна келгуси йили бу ўсимликлар қаторига уруғидан шифобахш ёғ олинадиган ошқовқ ҳам қўшилиши.

Аҳмадли ШЕРНАЗАРОВ,
«Халқ сўзи» мухбири.

САҲОВАТЛИ ЗАМИНИМИЗ НЕЪМАТЛАРИ

жаҳон бозорида юқори нуфузга эга бўлган ҳақиқий брендга — товар белгисига айланмоқда

(Давоми. Бошланғич 1-бетда).

Дарҳақиқат, полизчилик — қишлоқ хўжалигининг жадал ривожланаётган тармоқларидан бири. Президентимизнинг 2008 йил 20 октябрдаги “Озиқ-овқат экинлари экиладиган майдонларни оптималлаштириш ва уларни етиштиришни кўпайтириш чора-тадбирлари тўғрисида”ги Фармони эса унинг истиқболли учун янада кенг йўл очиб берди. Негаки, ушбу ҳужжатга мувофиқ, пахта экин майдонлари қарийб 100 минг гектарга қисқартирилиб, бўшаган майдонларга сабзавот, полиз, картошка ва озуқа экинлари жойлаштирилди. Бу каби ислохотлар тўғрисида яқин йилларда, аниқроғи, 2020 йилда мева ва сабзавот, ушбу ва полиз маҳсулотлари етиштириш суръати 2014 йилдаги ҳисобатан қамида 2,3 баробар кўпайтириш кутиляпти.

Интенсив технология — истиқболли технология

Қишлоқ хўжалигида самарадорликнинг юқори бўлиши кўпга омилларга боғлиқ. Қулай табиий ва тупроқ-иқлим шароитларининг йўқлиги, деҳқон ва фермерларнинг меҳнат қилиши учун етарли шарт-шароит мавжудлиги, ишлаб чиқаришга замонавий технологиялар асосида татбиқ этилаётгани шулар жумласидан бўлиб, юртимизда буларнинг барчаси муҳайё қилинган. Пировардида соҳада муваффақиятли амалга оширилган кўпга олиб истиқболли лойиҳалар мамлакатимиз иқтисодийтини ривожлантириш, экспорт салоҳиятини оширишга хизмат



Собиёр НАРЗУЕВ олимп-сураткор.

қилаёпти. Бунга масъулияти чекланган жамият шаклидаги “Олтин воҳа агроинвест” агросаноат корхонаси фаолияти ёрқин мисол бўла олади. “Узулгуржисавдоинвест” уюшмаси таркибидаги “PSM Group” очик акциядорлик жамияти қошида ташкил этилган мазкур корхона мева-сабзавот ва полиз маҳсулотлари етиштиришга ихтисослаштирилган. Жорий мавсумда бу ерда қовуннинг эртанишар “Жиян” нави интенсив технология асосида парваришлангани тўғрисида ҳосил муддатидан бир ой олдин пишиб етилди. — Қовунни нисбатан эрта етиштиришнинг интенсив техно-

логиясини ўзлаштиришимизда бир гуруҳ мутахассисларимиз Америка Қўшма Штатларининг Калифорния қишлоқ хўжалиги технологиялари институтида маълумлаштириб келишгани кўл келди, — дейди корхона раҳбари Абдулхай Номозов. — Натижада “Кўчатни олдиндан ўстириш” методикасини қўллаган ҳолда, қовун уруғлари махсус қоришмага экилиб, ниҳоллар 2-4 барг чикартунга қадар иссиқхона шароитида парваришланди. Улар баҳорги об-ҳаво шароитидан келиб чиқиб, март ойининг иккинчи ярмида далага “Туннель” ва “Термос” усуллари асосида плёнка остига ўтказилди. Айтиш жоизки, бу жараёнда Қишлоқ ва сув хўжалиги вазирлиги, Қашқадарё вилояти, Косон тумани

хоқимликлари, фермерлар кенгаши, шунингдек, ҳамкор фермерларнинг амалий ёрдами катта бўлди. Мутахассисларнинг айтишича, янги технологиянинг афзаллиги томони шундаки, у экин учун керакли бўлган ҳароратни сақлаб, ўсишини жадаллаштиради. Натижада қовун муддатдан ўртача 25-30 кун илгари пишиб етилади. Жорий йил баҳоридаги мурраккаб об-ҳаво шароитига қарамай, 40 гектар майдонда татбиқ этилган лойиҳа дастлабки йилдаёқ ўз самарасини берди: қовун май ойининг иккинчи ярмида узилма бошланди. Дастлабки ҳисоб-китобларга қараганда, ҳар гектар майдондан 12 тонна ҳосил олинса, бу кўрсаткич кейинги йилларда янада ошади.

Сифат даладан дастурхонгача таъминланади

Дунёдаги энг мазали ва энг фойдали мева-сабзавот, полиз маҳсулотлари фақат бизнинг минтақамизда етиштирилади, десак, асло мулоҳаза бўлмайдди. Айниқса, қовунларимиз ҳақида гап кетганда, “Тилими тили ёради”, дея таъриф беришдади. Чунки таъбир таркибидан 18 фоизгача қанд, 8-20 фоиз қуруқ модда, 0,1-0,7 фоиз клетчатка, 0,2-35,2 миллиграмм С, РР витаминлари, фолат кислотаси, калий, натрий, кальций, магний, темир, фосфор, олингургут ва бошқа элементлар мавжуд. Бу қовун нафақат озиқ-овқат маҳсулоти, аниқ пайтда шифобахш неъмат эканлигидан далолатдир.

Юртимиз халқ селекциясида қовуннинг 150 дан зиёд нави яратилган бўлиб, улар илгиринг турли муддатларида пишиб етилади. Айтилиб, “Умрбоқий”, “Қўйбош”, “Гулбои” каби кечпишар навларни келгуси йил кўплашга маълум қилиш мумкин. Қовун нафақат сархил ҳолида истеъмол қилинади, балки ундан қоқи, шинни, мурabbo ҳам тайёрланади. — Ўзбекистонда шакланган кўп асрлик анъанавий деҳқончилик маданияти азалдан маҳаллий органик ўғитлардан фойдаланишни кўзда тутадиган биологик принципларга асосланган, — дейди “Олтин воҳа агроинвест” корхонаси бош ҳисобчиси Бахтияёр Муҳиддинов. — Шу боис юртимизда етиштирилаётган мева-сабзавот ва полиз маҳсулотлари экологик тозаллиги, инсон саломатлиги учун фойдалилиги билан диққатга сазовордир. Бу борада, айниқса, қовуннинг аҳамияти бекуёс. Халқ таъбиҳотида у никриз (подгра)ни давловчи, пешоб ҳайдовчи, қабзиятдан холи қилувчи, асабини тинчлан-

тирувчи омил сифатида қўлланилади. Биз ҳам қовун етиштиришда кўп йиллик анъаналарга таянган ҳолда, фақат маҳаллий ўғитлардан фойдаландик. Маҳсулотимизга бўлган талаб ортиб бораётганининг яна бир омили ана шунда. Сир эмас, қовун тез айнийдиган маҳсулотлар сирасига ҳам кирди. Шунинг учун илгари уни узоқ манзилга етказиб бериш, аниқроғи, экспорт қилиш имконияти чекланган эди. Истиқбол йилларида масаланинг шу каби нозик жиҳатлари инобатга олиниб, замонавий совуқчилар барпо этилгани, такомиллаштирилган қадоклаш технологияларидан фойдаланилаётгани жаҳон бозорига дадил кириш имкониятини яратаяпти. Масалан, “Олтин воҳа агроинвест” даладаридан узилган ҳар бир қовун Италиянинг “ТЕСО S.r.l.” компанияси ускуналари ёрдамида махсус қутиларга қадокланиб, “Узулгуржисавдоинвест” уюшмасининг Қарши шаҳридаги “Қашқадарётижоратсавдо” базаси худудига жойлашган, 2013 йилда ишга туширилган, сифати 3 минг тонналик замонавий совуқчилик камерада маълум муддат сақланади. Яъни бу ерда қовун нейтрал газли муҳитда керакли даражада совитиб бўлинган, автопоездларга юкланади. Шу тариқа ўзбек қовунларини чет эллик харидорларга палгадидан янги узилгандек асл ҳолда тортиқ қилиш йўлга қўйилди.

Саид РАҲМОНОВ,
«Халқ сўзи» мухбири.

Ўзбекистон Республикаси Марказий банки ахбороти

Ўзбекистон Республикаси Марказий банки 2014 йил 8 шолдан бошлаб валюта операциялари бўйича бухгалтерия ҳисоби, статистик ва бошқа ҳисоб-китоблари юртимиз, шунингдек, божхона ва бошқа мажбурий тўловлари учун хорижий валюталарнинг сўмга нисбатан қўйидаги қийматини белгилади:*)

1 Австралия доллари	2169,12
1 Англия фунт стерлинги	3977,45
1 Дания кронаси	422,72
1 БАА дирҳами	631,68
1 АҚШ доллари	2320,16
1 Миср фунти	324,50
1 Исландия кронаси	20,49
1 Канада доллари	2175,29
1 Ҳитой юани	374,28
1 Россия рубли	67,60
1 Украина гривнаси	196,17
1 Малайзия ринггити	728,01
1 Польша злотийси	760,76
1 СДР	3588,08
1 Туркия лираси	1088,41
1 Швейцария франки	2591,78
1 евро	3166,61
10 Жанубий Африка ранди	22,97
10 Япония иенаси	227,15

*) Валюта қийматини белгилаш чоғида Ўзбекистон Республикаси Марказий банки мазкур валюталарни ушбу қийматда сотиш ёки сотиб олиш мажбуриятини олмаган.



ХОРИЖДА ЎЗБЕКИСТОНДАГИ ЮТУҚЛАРДАН ҲАЙРАТЛАНИШМОҚДА

Хорижда, айниқса, халқро нуфузга эа универстетда она-Ватанинг ҳақида илқ гаплар эшитиш қанчалик фахри ва тотли эканлигини бир неча бор ҳис қилдим. Гап шундаки, яқинда таниқли иқтисодчи олим дарс ўта туриб, Ўзбекистоннинг қисқа давр ичида катта тараққиёт йўлини босиб ўтганлигини аниқ мисоллар билан очиб берди. Хусусан, у жаҳон молиявий-иқтисодий инқирози ҳали-ҳамон давом этаётган бир даврда ҳам юртимиз иқтисодиётида ўсиш суръати 8 фоиздан юқори бўлиб келаётганини алоҳида тилга олди. Фахр ва гурур билан аудиторияга разм солдим. Осиё ва Тинч океани минтақаси мамлакатларидан келган барча талабалар ўз дафтарларида Ўзбекистон номини ҳамда тилга олинган рақамларни ёзиб олишмоқда. Бундан қанчалик қувонганимни билсангиз эди.

Тўғри-да, ахир биз, ўзбекистонлик ёшлар дунёни манаман деган олий ўқув юртлирида ўқиб юрганлигимиз ҳам ана шу ривожланиш тўғриси эмасми?! Ёшим 19 да. Урта умумий таълимни Гулистон шаҳридаги 11-мактабда олдим, сўнгра 2-Гулистон академик лицейининг хорижий тиллар йўналишида ўқидим. Ана шу замонавий ва илгор таълим технологиялари жорий этилган ўқув муассасаларида олинган билимим менга қўл келди. Интернет тармоғи орқали ўтказилган қабул тестини муваффақиятли топшириб, Япониянинг Бетпу шаҳрида жойлашган Осиё ва Тинч океани университетига юз фоизлик грант асосида ўқишга кирдим. Оиламизда катта байрам бўлганди ўшанда. Талаба бўлганимни эшитган дадам эса “Қани эди, шу кунларни бобонг кўрганда”, деб ҳаяжонга тушди. Албатта, бу тўғри отанинг фарзанди қамолдиган қувонганини ҳам ифода-ларди.

Ҳозир шу университетнинг Бизнес ва иқтисодиёт факультетида таҳсил олаётиман. Бу ерда минтақа ва жаҳон иқтисодиёти бўйича таълим олиш баробарида, турли давлатлардан келган тендошларим билан фикрлашиб, таъбир жоиз бўлса, мамлакатларимизни таништириш имкониятига ҳам эа бўлаёмиз. Мен Ватанимизда кечаётган улкан ўзаришлар, хусусан, жаҳонда “ўзбек модели” деб эътироф этилган тараққиёт йўлимизнинг беқиёс аҳамияти ҳақида аниқ далиллар билан ҳикоя қилиб берман. Тўғриси, бу менга чексиз завқ бағишлайди. Ана шундай кезларда жонанжон юртинг ютуқлари ҳақида фахр ва ифтихор билан гапиршдан ҳам улдуғроқ бахт йўлигини дилдан ҳис этаркансан киши.

Аҳмаджон МАШРАБОВ, Япониянинг Осиё ва Тинч океани университети Бизнес ва иқтисодиёт факультети талабаси.

Ўзбекистон Республикаси Олий Мажлиси ҳузуридаги ННТ ва фуқаролик жамиятининг бошқа институтларини қўллаб-қувватлаш Жамоат фонди

ГРАНТ ОЛИШ УЧУН ТАНЛОВ ЭЪЛОН ҚИЛАДИ

Танлов мавзуси: “Шаҳарлар, маҳаллалар ва кўчаларнинг ободлигини таъминлаш ишларида, атроф-муҳитни муҳофаза қилиш, аҳоли саломатлигини мустаҳкамлашга ва жамиятда соғлом турмуш тарзини юксалтиришга қўмаклашиш; — соғлом авлодни вояга етказишда таълим ва спортнинг аҳамиятини янада кучайтириш, болаларни баркамол ривожлантириш ва аёллар саломатлигини мустаҳкамлаш учун шароитлар билан таъминлаш; — ижтимоий инфратузилмани ривожлантириш, қишлоқ жойларидаги аёлларнинг ижтимоий-маиший шароитлар билан таъминлашга қўмаклашиш; — ижтимоий инфратузилма объектларида энергия ва сувни тежаш, чикиндиларни иккамчи қайта ишлаш технологияларини ривожлантиришга қўмаклашиш;

Танловда Ўзбекистон Республикасининг ННТ, ОАВ ва фуқаролик жамиятининг бошқа институтларининг куйидаги йўналишлардаги лойиҳалари қўриб чиқиш учун қабул қилинади:

- “Ватан фаровонлиги оилдан бошланади” шиори остида лойиҳаларни амалга ошириш;
- аҳолининг атроф-муҳит муҳофазаси масалаларидан хабардорлигини ошириш, маҳаллий экологик вазифаларини ҳал этишда аҳоли иштирокини таъминлаш;
- соғлом турмуш тарзини, айниқса, ёшлар ўртасида тарғиб қилиш;
- атроф-муҳитни муҳофаза қилишда, табиий ресурслардан оқилона фойдаланишда жамоатчилик назоратини таъминлаш;
- атроф-муҳитнинг аҳоли саломатлигига салбий таъсир кўрсатувчи омилларнинг олдини олишга қўмаклашиш;
- ННТларнинг маҳаллалар билан ҳамкорликда бажариладиган атроф-муҳит муҳофаза қилишга қаратилган лойиҳаларини қўллаб-қувватлаш;
- аҳолининг турли гуруҳлари орасида юқумли касаллиқлар профилактикасини амалга ошириш, профилак-

тик чора-тадбирлар борасида хабардорлигини таъминлаш; — атроф-муҳитни муҳофаза қилишга, аҳоли саломатлигини мустаҳкамлашга ва жамиятда соғлом турмуш тарзини юксалтиришга қўмаклашиш; — соғлом авлодни вояга етказишда таълим ва спортнинг аҳамиятини янада кучайтириш, болаларни баркамол ривожлантириш ва аёллар саломатлигини мустаҳкамлаш учун шароитлар билан таъминлаш; — ижтимоий инфратузилмани ривожлантириш, қишлоқ жойларидаги аёлларнинг ижтимоий-маиший шароитлар билан таъминлашга қўмаклашиш; — ижтимоий инфратузилма объектларида энергия ва сувни тежаш, чикиндиларни иккамчи қайта ишлаш технологияларини ривожлантиришга қўмаклашиш;

Танловда қатнашиш учун куйидаги ҳужжатлар тақдим этилиши лозим:

1. Ариза тақдим этилаётганлиги ҳақида ННТ ташкилоти раҳбарининг имзоси ва муҳри билан тасдиқланган қузатув хати, www.new.fundngo.uz сайтида жойлаштирилган шаклда тўлдирилган грант лойиҳасининг аризаси;
2. Ташкилотнинг давлат рўйхатидан ўтганлиги ҳақидаги гувоҳнома нусхаси, агар лойиҳа лицензияланадиган

фаолиятни талаб қилса, лицензиянинг нусхаси, Низом нусхаси (ташкilot муҳри билан тасдиқланган ўзгариш ва қўшимчалар билан), шунингдек, манфаатдор давлат ва жамоат ташкилотларининг мазкур лойиҳани қўллаб-қувватлаш борасидаги тақдимнома ёки хати илова қилиниши мумкин.

Битта лойиҳа учун ажратиладиган грант миқдори — 15 млн. сўмга, ННТларнинг ўз маблағларини жалб этилиши қўллаб-қувватланади.

Ҳужжатларни қабул қилиш 2014 йил 23 июндан 1 августгача, ҳар кун соат 9-30 дан 17-00 га қадар.

Танловда давлат рўйхатидан ва ҳисобидан ўтган ННТ ва фуқаролик жамиятининг бошқа институтлари иштирок этишлари мумкин.

Танлов бўйича ҳужжатлар муҳрланган конвертда (А4 формат): “100035, Тошкент ш. Бунёдор шоҳқўчаси, 1-ўй” манзилда жойлашган **Ўзбекистон Республикаси Олий Мажлиси ҳузуридаги ННТ ва фуқаролик жамиятининг бошқа институтларини қўллаб-қувватлаш Жамоат фонди** номига юборилиши шарт.

Танловда иштирок этиш шартлари ва танлов ҳужжатларининг намуналари билан Жамоат фондининг www.new.fundngo.uz расмий сайтида танишиш мумкин.

Маълумот учун тел.: (8-371) 239-26-76, 239-26-64.

Хабар

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ ВАЗИРЛИКЛАР, ДАВЛАТ ҚЎМИТАЛАРИ ВА ИДОРЛАР ТОМОНИДАН ҚАБУЛ ҚИЛИНГАН НОРМАТИВ-ҲУҚУҚИЙ ҲУЖЖАТЛАРНИ ДАВЛАТ РЎЙХАТИДАН ҲАҚИШ
ҲОЛАТИ ТЎҒРИСИДА 2014 ЙИЛ 28 ИЮНДАН 4 ИЮЛГАЧА БЎЛГАН МАЪЛУМОТНИ МАЪЛУМ ҚИЛАДИ.

1. Давлат рўйхатидан ўтказилди:

1. «Гибевандлик востанлари, психотрон моддалар ва прекурсорларни савлаш бўйича техник талаблар тўғрисидаги низомни тасдиқлаш ҳақида» қарорга ўзгариш ва қўшимчалар киритиш тўғрисида» Ўзбекистон Республикаси Соғлиқни сақлаш вазирлиги, Ички ишлар вазирлигининг 2014 йил 16 июнида 8, 18-сонли қарори.

2014 йил 30 июнда рўйхатдан ўтказилди, рўйхат рақами 1048-1 (2014 йил 7 июндан кучга кирди).

2. «Давлат ва ҳўжалик бошқаруви органлари, маҳаллий давлат ҳокимияти органлари томонидан Ўзбекистон Республикаси Вазирлар Маҳкамасига киритилган норматив-ҳуқуқий ҳужжатлар лойиҳаларини тайёрлаш, юридик-техник жиҳатдан расмийлаштириш ва ҳуқуқий экспертизадан ўтказиш тартиби тўғрисида услубий қўрсатмаларга ўзгариш ва қўшимчалар киритиш ҳақида» Ўзбекистон Республикаси Адлия вазирлигининг 2014 йил 30 июндаги 172-м-сонли буйруғи.

2014 йил 30 июнда рўйхатдан ўтказилди, рўйхат рақами 2352-2 (2014 йил 7 июндан кучга кирди).

3. «Насли махсулотни (материални) сертифицилаштиришдан ўтказиш тартиби тўғрисидаги ни-

зомни тасдиқлаш ҳақида» Ўзбекистон Республикаси қишлоқ ва сув ҳўжалиги вазирлигининг 2014 йил 11 июндаги 146-сонли буйруғи.

2014 йил 2 июнда рўйхатдан ўтказилди, рўйхат рақами 2599 (2014 йил 7 июндан кучга кирди).

4. «Депозитарий ҳисоби ва ҳисобот бериш ягона қондаларига (стандартлари) ўзгаришлар киритиш тўғрисида» Ўзбекистон Республикаси Давлат рақобат қўмитаси ҳузуридаги Қимматли қўғазлар бозорини мувофиқлаштириш ва ривожлантириш маркази бош директорининг 2014 йил 23 июндаги 2014-20-сонли буйруғи.

2014 йил 3 июнда рўйхатдан ўтказилди, рўйхат рақами 844-7 (2014 йил 7 июндан кучга кирди).

5. «Хусусийлаштириш инвестиция фондларининг акцияларини дастлабки тарқатишда экологик сотиш тартибининг 1,2-бандига ўзгариш киритиш тўғрисида» Ўзбекистон Республикаси Давлат рақобат қўмитаси ҳузуридаги Қимматли қўғазлар бозорини мувофиқлаштириш ва ривожлантириш маркази бош директорининг 2014 йил 26 июндаги 2014-21-сонли буйруғи.

2014 йил 3 июнда рўйхатдан ўтказилди, рўйхат рақами 608-4 (2014 йил 7 июндан кучга кирди).

КИЧИК БИЗНЕС

Вобкент туманидаги “Йўлдошбек — Феруз” хусусий корхонаси негизда ташкил этилган нон цехи замонавий печлар билан жиҳозланди.

Дастурхон кўрки

Натихада бу ерда тайёрланаётган ширмой нонлар нафақат Косаре, айни чоғда қўшни қишлоқлар аҳолиси дастурхонининг ҳам кўрғига айланди.

— Оилавий сармоа ҳамда банк ажратган 15 миллион сўмлик кредит эвазига хориждан харид қилинган печларда нонлар қўғдай қизариб пияшгапти, — дейди корхона раҳбари Воҳиджон Ҳасанов. — Бу печларнинг энергияси ҳам сарфлашиш биз учун айни муддаодир. Юқори унум билан ишлаши учун соатига атиги 3,8 киловатт электр энергияси, 2,5 кубометр табиий газ кифоя қилади.

Истам ИБРОҲИМОВ, «Халқ сўзи» муҳбири.

ЭЪЛОНЛАР

«NEW ESTATE ACTION» МЧЖ

бошланғич баҳоси босқичма-босқич олиб бориш тартибида ўтказиладиган очиқ аукцион савдосига таклиф этади.

Тошкент вилояти, Бўстонлиқ тумани СИБ томонидан 2014 йил 19 июндаги 3424-сонли ижро варақасига асосан, Тошкент вилояти, Бўстонлиқ тумани, «Чимён» ҚФЙда жойлашган, умумий фойдаланиш майдони 145,17 кв.м., қурилиш ости майдони 94,60 кв.м. бўлган 2 қаватли коттеж биноси савдога қўйилмоқда.

Бошланғич баҳоси — 316 056 192 сўм.
Аукцион савдоси 2014 йил 12 август кун соат 12.00 да ўтказилади.

Аукцион савдосида иштирок этиш истагидаги талабгорлардан аризаларни қабул қилиш аукцион бошланишидан бир кун олдин тўхтатилади.

Аукцион савдосига қўйилган кўчмас мулк билан тегишли туман суд ижрочилари бўлими вакили иштирокида бевосита жойига чиқиб танишиш мумкин.

Аукцион савдосида қатнашиш истагидаги талабгорлар савдо ташкилотчиси билан тузиладиган закалат келишувига асосан, мулк бошланғич баҳосининг 10 фоиздан кам бўлмаган миқдордаги закалат пулини «New estate action» МЧЖнинг ОАИТБ «Ипак йўли» банки Миробод филиалидаги куйидаги ҳисоб рақамига тўлашлари шарт: 20208000104995394001, МФО: 01101, СТИР: 302373151.

Хизматлар лицензияланган.
Аукцион савдоси ўтказиладиган манзил: Тошкент шаҳри, Яқкасарой тумани, Маҳмуд Таробий кўчаси, 31-уй. Телефон: (8-371) 254-69-13.

«CAPITAL REALTOR GROUP» МЧЖ

очиқ аукцион савдоларига таклиф этади.

«Capital realtor group» МЧЖ Фарғона филиалида 2014 йил 12 август кун соат 14.00 да бошланғич баҳоси босқичма-босқич олиб бориш тартибида ўтказиладиган очиқ аукцион савдосига куйидаги кўчмас мулк қўйилмоқда:

* Фарғона шаҳар СИБ томонидан Фарғона вилояти хўжалик судининг 2013 йил 29 ноябрдаги 15-1309/17395-сонли ижро варақасига асосан хатланган, Фарғона шаҳри, 29-сонли «Машъал» МФЙ, Сайилгоҳ кўчасида жойлашган, «Fergana globus» МЧЖга қарашли, қурилиш ости майдони 359,35 кв.м., фойдаланиш майдони 1105,01 кв.м. бўлган, 0001-0002-литерлардаги 3 қаватли савдо ва маиший хизмат кўрсатиш мажмуаси.

Бошланғич баҳоси — 189 000 000 сўм.
Аукцион савдосида иштирок этиш истагидаги талабгорлардан аризаларни қабул қилиш 2014 йил 8 август кун соат 17.00 да тўхтатилади.

2014 йил 25 июль кун соат 14.00 да бўлиб ўтадиган очиқ аукцион савдосига куйидаги кўчмас мулклар арзонлаштирилган нархда такроран қўйилмоқда:

* Марғилон шаҳар СИБ томонидан ЖИБ бўйича Риштон тумани судининг 2012 йил 25 июндаги 1-11-7/2012-сонли ижро варақасига асосан хатланган, Марғилон шаҳри, «6-КМФ» МЧЖга қарашли, Марғилон шаҳри, «Наврўз» МФЙ, Саккокий кўчаси, 2-уйда жойлашган, умумий майдони 8265,18 кв.м., фойдаланиш майдони 7 233,74 кв.м. бўлган бино-иншоотлар мажмуа сифатида.

Бошланғич баҳоси — 503 632 209 сўм.
1. Суд департаментининг Фарғона вилояти ҳудудий бошқармаси томонидан ЖИБ Фарғона вилояти судининг 2012 йил 8 августдаги 2-50/2012-сонли ижро варақасига асосан хатланган:

1. Олтиариқ тумани, «Қапчугай» ҚФЙ, Қапчугай

кўчасида жойлашган, қурилиш ости майдони 4423,78 кв.м., фойдаланиш майдони 1012 кв.м. бўлган, 0001-0016-литерлардаги керамзит базаси.

Бошланғич баҳоси — 336 344 919 сўм.
2. Олтиариқ тумани, «Олтиариқ» ҚФЙ, «Зураймо» МФЙда жойлашган, қурилиш ости майдони 11 365,27 кв.м., фойдаланиш майдони 4 596,42 кв.м. бўлган, 0001-0012-литерлардаги молхона мажмуаси.

Бошланғич баҳоси — 425 387 838 сўм.
3. Олтиариқ тумани, «Ҳамза» ШФЙ, «Янги ҳаёт» МФЙ, Навоий кўчасида жойлашган, қурилиш ости майдони 569,65 кв.м., фойдаланиш майдони 31,10 кв.м. бўлган, 0001-0003-литерлардаги қурилиши тугалланган хусусий банк биноси.

Бошланғич баҳоси — 130 028 871 сўм.
Аукцион савдосида иштирок этиш истагидаги талабгорлардан аризаларни қабул қилиш 2014 йил 23 июль кун соат 17.00 да тўхтатилади.

Юқориди кўчмас мулклар билан тегишли туман суд ижрочилари бўлими вакили иштирокида бевосита жойига чиқиб танишиш мумкин. Аукцион савдосида қатнашиш истагидаги талабгорлар кўчмас мулк бошланғич баҳосининг 10 фоиздан кам бўлмаган миқдордаги закалат пулини савдо ташкилотчиси — «Capital realtor group» МЧЖнинг ОАТБ «Капиталбанк» Мирзо Улуғбек филиалидаги куйидаги ҳисоб рақамига тўлашлари шарт: 20208000204927571003, МФО: 01018, СТИР: 207126662.

Аукцион савдолари билан боғлиқ барча масалалар юзасидан куйидаги манзилга мурожаат қилиш мумкин: Фарғона шаҳри, Бурҳониддин Марғинович кўчаси, 35-уй, «Биржа маркази» биноси, 2-қават, 19-хона. Телефонлар: (+99873) 244-42-24, (+99890) 231-38-59.

Хизматлар лицензияланган.

ЖАҲОН 24 СОАТ ИЧИДА

Япония ҳукумати мамлакатнинг Окинава ороли жанубида жойлашган префектуралар аҳолисини “Неогури” тўфони яқинлашиб келаётгани ҳақида оголантирди.

Эҳтиёт чоралари кўриломоқда



Метеорология соҳаси мутахассисларининг таъкидлашича, у сўнгги бир неча ўн йил ичида қайд этилган шу туркумдаги табиий офатлар орасида энг кучлиси бўлиши мумкин. Ҳозир “Неогури” жануби-шарқий йўналиш бўйлаб соатига 20 километр тезлик билан ҳаракатланмоқда. Унинг марказида шимолнинг шиддати сониясига 70 метргача етаяпти. Қиёслаш учун айтиш жоиз, бундай юқори суръатдаги тўфон йўлда кетаётган энгил русумдаги автомобилни бемалол ағдариб ташлай олади.

Ўз навбатида, “Кунчикар юрт” ҳукумати аҳолини қирғоққа яқинлашмасликка чақириб, барча кемаларни хавфсиз жойга кўчириш бўйича кўрсатма берди. Сув тошқинлари келиб чиқиш эҳтимоли юзасидан ҳам зарур чора-тадбирлар кўриломоқда.

Фаолиятини кенгайтиради

Австралиянинг йўл қурилмалари ишлаб чиқарувчи “Aristocrat” компанияси Американинг худди шу йўналишида фаолият олиб боровчи “Video Gaming Technologies” компаниясини 1,3 миллиард АҚШ долларига сотиб олади.



қуналарни ижара асосида жойлаштирган. “Aristocrat” эса Шимолги Америкада 8,2 мингта йўл қурилмаларига эга. 2015 йилнинг мартига қадар шартномадаги барча шартлар тўлиқ адо этилиши режалаштирилган мазкур олди-сотидан сўнг Австралия компанияси ушбу йўналишдаги энг йирик хизмат кўрсатувчилардан бирига айланади.

Ойига бир кун бепул

Бундан буён ҳар ойнинг биринчи яқшанбасида Италиядаги музейларга бепул кириш мумкин.



Мамлакат маданият вазирлиги ташаббуси билан шундай янгиликка қўл урилди, дейилади “Евроньюс” телеканали хабарига. Бундан қўзланган асосий мақсад Италиянинг бой тарихий мероси билан фуқаролар ҳамда хорижий сайёҳларни янада кенгроқ таништиришдан иборат.

Бугунги кунда мазкур давлатда 420 та давлат музейи ва археологик ҳудуд мавжуд.

Автомобилларга талаб ошган

Буюк Британия иқтисодиётидаги ўсиш суръатлари автомобиль бозорига ижобий ўзгаришларда ҳам ўз ифодасини топмоқда.



Мамлакат автомобиль ишлаб чиқарувчилари ва сотувчилари жамияти маълумотларига кўра, ўтган ойда ҳудудда янги машиналар савдоси 6,2 фоиз (228 минг 291 автоулов)га ошган. Биринчи ярим йиллик якунлари бўйича эришилган на-

тижалар 2013 йилнинг шу давридагисига билан таққосланганда, 10,6 фоизлик ўсишга эришилган, кўзга ташланди. Мутахассисларнинг айтишича, бу 2005 йилдан буён олти ойлик кўрсаткичлар билан боғлиқ қайд этилган энг яхши ҳолатдир.

Хориж матбуоти хабарлари асосида тайёрланди.

“Ўзсаноатқурилишбанк” ОАТБ жамоаси банкнинг Тошкент шаҳар минтақавий филиали бошлиғи Шуқурилла Имомалиева волнида муҳтарамаси **Хуриятхон АЗИМОВ**нинг вафоти муносабати билан чуқур таъзия изҳор этади.

Тошкент педиатрия тиббиёт институти жамоаси Неврология, болалар неврологияси кафедрасининг собиқ мудир, профессор **Фаттоҳ Турсунович АБДУҲАКИМОВ**нинг вафоти муносабати билан марҳумнинг оила аъзолари ва яқинларига чуқур таъзия изҳор этади.

Тошкент автомобиль-йўллар институти жамоаси ходим Миракмал Мирҳодиева падари бузруквори **Мирмуҳам Мирҳодиев**нинг вафоти муносабати билан чуқур таъзия изҳор этади.

«REAL AUKSION» МЧЖ

бошланғич баҳоси босқичма-босқич олиб бориш тартибида ўтказиладиган очиқ аукцион савдосига таклиф этади.

Аукцион савдосига Тошкент вилояти, Қибрай тумани СИБ томонидан Тошкент вилояти, Қибрай тумани, Қибрай тиббиёт бирлашмаси ҳудудида сакланаётган:

● 2014 йил 14 апрелдаги 5687/10-сонли ижро варақасига асосан хатланган, 2011 йилда ишлаб чиқарилган, давлат рақами 52-16 HE бўлган «JONYANG» JY 210 E» русумли экскаватор қўйилмоқда.

Бошланғич баҳоси — 300 000 000 сўм.

● 2014 йил 14 апрелдаги 5687/10-сонли ижро варақасига асосан хатланган, 2012 йилда ишлаб чиқарилган, давлат рақами 10843UAA бўлган «SINOTURK HAWO» ва 2012 йилда ишлаб чиқарилган, давлат рақами 10842UAA бўлган «SINOTURK HAWO» русумли автотранспорт воситалари қўйилмоқда.

Бошланғич баҳоси — 275 000 000 сўм.
Аукцион савдоси 2014 йил 11 август кун соат 11.00 дан бошлаб ўтказилади.

Аукцион савдосида иштирок этиш истагидаги талабгорлардан аризаларни қабул қилиш аукцион бошланишидан бир кун олдин тўхтатилади. Аукцион савдосига қўйилган автотранспорт воситалари билан тегишли туман суд ижрочилари бўлими вакиллари иштирокида бевосита жойига чиқиб танишиш мумкин.

Аукцион савдосида қатнашиш истагидаги талабгорлар савдо ташкилот



ВАТАНГА МУҲАББАТ ОИЛАДАН БОШЛАНАДИ

Ҳар кун ишдан оилам бағрига қайтарканман, икки ўғилчамнинг соғлом, бахтиёр чеҳрасини кўриб, кўнглим янада ёришади. Оиламда хотиржамлик ва бахтиёрлик юртимизда тинчлик ҳамда осойишталикни сақлаш, халқимиз турмуш фаровонлигини ошириш, оила институтини қўллаб-қувватлаш йўлида олиб борилаётган ислохотларнинг ўзига хос кўзгуи эмасми?!

Ёш оиламиз. Ўзим тиббиётчиман, турмуш ўртоғим умумтаълим мактабидан инглиз тилидан бошланғич синф ўқувчиларига сабоқ беради. Ўғилларим боғчага қатнайдилар. Ҳар бир кунни қизғин иш режалари билан бошлаймиз: болаларимиз боғчага, биз ишга ошамиз. Бир қарашда, бу — оддий ҳол. Аммо ҳаётдан қониқиб қисси бўлмаса, унинг ўрнини таҳлика ва хавотир эгалласа, кўнглига иш сизгадими?! Телевизордан кўрагимиз, дунёнинг бир нуқтасида одамларнинг ва беҳаловат ҳаёт кечираётган бўлса, бошқа бир еридаги одамларнинг кўзларида кўрқув, умидсизлик, эртанги кунига ишонсизлик акс этиб турибди.

Юртимизда, ҳар бир оилада тоненинг шукрона билан, эзу мақсад ва ниятлар билан қарши олинишни, фарзандларимиз камолоти учун кенг имкониятлар мавжудлиги, энг муҳими, дунёда ҳеч кимдан кам бўлмаган ҳолда камолга етаётганликларини ўйлаб, гурурланиб кетаман.

Муштақиллик эълон қилинган йили иккинчи синфда ўқирдим. Бола эдим, Истиқлол қанчалик бебаҳо неъмат эканлигини тушунмасдим, англамасдим. Мана, буён фарзандим мактаб оstonасида турибди. У озод юртнинг бахтиёр боласи. «Менинг Ватаним — муштақил Ўзбекистон!» дейди ажиб заъб билан. Унинг тилсизлиги бузғунчи ёш авлодга ҳавас қиламан. Айни пайтда бундай бахтни қадрлаш, болаларимизни, оиламизни, она-Ватанимизни кўз қорачиқидек асраб-авайлаш кераклигини ич-ичимдан ҳис этаман.

Шерали РАҲИМОВ, Республика эпидемиология-микробиология юқумли касалликлар илмий текшириш институти врач-нефрологи.

Мислиқол сурури

(Давоми. Бошланиши 1-бетда).

Буюк Ипак йўли орқали Европага, Европадан эса Осиёга Шарқ ва Ғарб оламидаги улуг аллома ҳамда мутафаккирлар фаолияти тўғрисидаги маълумотлар етказилди. Сўқрот, Афлотун, Аристотель, Птолемей ва антик даврда яшаган бошқа буюк алломаларнинг илмий асарлари, гоё ва кашфиётларини ўрганиш учун амалда имкониятлар шаклланди...

Тадқиқотчи олимларнинг фикрига кўра, Шарқ, хусусан, Марказий Осиё минтақаси IX-XII ва XIV-XV асрларда бамисоли пўртнадек отилиб чиққан икки қудратли илмий-маданий юксалишнинг манбаи ҳисобланади ҳамда жаҳоннинг бошқа минтақаларидаги уйғониш жараёнларида ижобий таъсир кўрсатган Шарқ уйғониши даври — Шарқ ренессанси сифатида дунё илмий жамоатчилиги томонидан ҳақли равишда ўз эътирофини топган.

Шу билан бирга, кўплаб тадқиқотчилар таъкидлаганидек, агар Европа уйғониш даврининг натижалари сифатида адабиёт ва санъат асарлари, меъморчилик дурдоналари, тиббиёт ҳамда инсонни англаш борасидаги янги кашфиётлар юзага келган бўлса, Шарқ уйғониш даврининг ўзига хос хусусияти, аввало, математика, астрономия, физика, кимё, геодезия, фармакология, тиббиёт каби аниқ ва табиий фанларнинг, шунингдек, тарих, фалсафа ҳамда адабиётнинг ривожланишида намоён бўлди.

«Ўзбекистон тарихий, маданий ва интеллектуал меросини асраб-авайлаш ва уни бойитиш ҳақида қайғуради»

Табаррук ўзбек замини тарих, математика, кимё, тиббиёт, астрономия, фалсафа ва адабиёт соҳалари ривожига улкан ҳисса

Леонардо да Винчи, Микеланжело, Фрэнсис Бэкон ва бошқа кўплаб олимларни хайратга солган.

Мирзо Улуғбек ҳам тасвирланган.

Бугун Ўзбекистоннинг китоб фондларида 100 мингдан зиёд кўлэмалар сақланиб, уларнинг аксарияти ЮНЕСКОнинг маданий мерослар рўйхатида киритилган. Ўрта асрлар Шарқ алломалари ва мутафаккирларининг кўлэмалари Европа ҳамда Осиёнинг қатор мамлакатлари, жумладан, Буюк Британия, Германия, Испания, Россия, Франция, Миср, Ҳиндистон, Эрон ва бошқа кўплаб мамлакатлар кутубхоналарининг «олтин фонди»ни ташкил қилади.

Самарқандда расадхона бунёд этган, буюк давлат арбоби Амир Темурнинг невараси Мирзо Улуғбек номи илм-маърифат осмонида бамисоли ёрқин юлдуз каби порлаб туради. Қирқ йил Самарқандда ҳукмдорлик қилган Мирзо Улуғбек астрономия соҳасидаги буюк аллома сифатида шўҳрат қозongan ва унинг номи ҳақли равишда Коперник, Жордано Бруно, Галилей ва бошқа улуг илм-фан даҳолари қаторида тилга олинади.

Мирзо Улуғбек томонидан XV асрда тузилган астрономия жадвалида 1018 та юлдузнинг ҳолати ва жойлашуви баён қилинган бўлиб, бу асар астрономик ўлчовлар бўйича 16 аср давомида яратилган илк каталог эди.

1687 йилда европалик олим Ян Гевелий томонидан яратилган «Юлдузлар осмони каталоги»да турли даврларда, дунёнинг турли мамлакатларида яшаб ўтган буюк астрологларнинг рамзий йиғилиши акс эттирган сурат мавжуд. Суратда улар астрономиянинг илҳом париси ҳисобланган Ураннинг икки томонидан жой олган ҳолда давра қуриб ўтиради. Улар орасида

лигидан хайратга тушмоқда. Афсуски, инсоният бошдан кечирган фалокатлар, урушлар, табиий офатлар натижасида улар бой меросининг мингдан бир қисми бизгача етиб келган.

Бугун тарихнинг зулмат ва жаҳолат ҳукмронлик қилган муайян даврларида олимлар таъқиб ва қувғинга учрагани, кўпчилигининг ҳаёти фожиали тугаганини тасаввур этиш мушкул.

Бунда далилларга кўра, инсонлар ўртасидаги низолар ва тўқнашувларнинг биринчи қурбонлари билимлар манбаи — ноёб кўлэмалар, асарлар бўлган. Антик даврдаги энг катта ҳисобланган Александрия кутубхонаси, Мирзо Улуғбекнинг ноёб кутубхонаси ва бошқалар йўқ қилиб юборилган.

Президент Ислам Каримов тарих ва бугуннинг ажралмаслигини таъкидлар экан, таниқли испан адаби Мигель де Сервантеснинг «Тарих — фаолиятимиз хазинаси, ўтмиш гувоҳи, бугунги кун учун ибрат ва ўғит, келажак учун эса огоҳлантиришдир» деган сўзларини келтирди.

«Жаҳон» АА. Брюссель

Спорт

Ўзбек ҳаками — жаҳон чемпионатлари рекордчиси

36 ёшли ўзбекистонлик ФИФА рефериси Равшан Эрматов футбол бўйича жаҳон чемпионатлари финал босқичида энг кўп — тўққизта ўйинни бошқарган ҳакам сифатида рекорд ўрнатди. Бугун дунёдаги деярли барча оммавий ахборот воситалари, интернет сайтларида ана шу мазмундаги хабарлар эълон қилинган бўлиб, уларда ҳамюртимиз ҳақида илиқ фикрлар билдирилган.

Хусусан, Эрматов яшил майдонда юзага келадиган вазиятларга доимо вазминлик, босқич билан ёндашадиган, тўғри қарорлар қабул қила оладиган камсонли ҳакамлардан бири экани, шу боис ҳам ҳозиргача ўтказган беллашувларида жиддий хатоларга йўл қўймагани алоҳида таъкидланган.

Айтиш жоизки, Бразилиядаги мундиалга Европадан тўққизта, Жанубий Америкадан бешта, Осиёдан тўртта, Африка ва Шимолий Америкадан учтадан, Океания минтақасидан эса битта ҳакамлар бригадаси жалб қилинган.

Ҳамюртимиз МДХ ва Болтикбўйи мамлакатлари вакиллари орасида ушбу чемпионатга таклиф этилган ягона бош ҳакам ҳисобланади. Шунинг ўзидек ўзбек ҳакамлик мактабига берилган юксак баҳодир.

Бундан тўрт йил муқаддам Жанубий Африка Республикасида ўтказилган жаҳон биринчилигида Равшан Эрматов бешта учрашувни бошқариб, футбол тарихига кирган эди. Бу фалги нуфузли мусобақада у тўртта ўйинда бош ҳакам сифатида майдонга тушишча улгурди. Жумладан, чорак финал доирасидаги Голландия — Коста-Рика баҳси унинг учун мундиаллардаги тўққизинчи масъуляти вазифа бўлиб, ҳамюртимиз шу орқали рекордига айланди.

Бундан аввалги рекорд (8 та ўйин) бир йўла уч нафар рефери — Жоэль Кинью (Франция), Бенито Арчундия (Мексика) ва Хорхе Ларрионда (Уругвай)га тегишли эди. Халқаро фаолиятини 2003 йилда бошлаган, ҳадемай 37 ёшини қаршилаётган Р. Эрматовнинг бугунгача эришган ютуқларига кўпчилик ҳавас билан қарайди. У 2007 ва 2009 йилларда ўсмирлар ҳамда ёшлар ўртасидаги жаҳон биринчилари, 2008 ва 2011 йилларда клублар ўртасидаги жаҳон чемпионатлари финали, 2010 йилги мундиал, 2011 йилги Осиё кубоги финали, 2012 йилда XXX ёзги Олимпиада ўйинларининг футбол бахслари, 2013 йилда эса Бразилияда ташкил этилган конфедерациялар кубоги беллашувларини бошқарган.

Эрматов тўрт бор «Осиёнинг энг яхши ҳаками» деб топилган. Шунингдек, у 2011 йилда Халқаро футбол уюшмалари федерацияси томонидан «Жаҳоннинг энг яхши ҳаками» дея эътироф этилган. Ҳамюртимиз 2013 йил якунлари бўйича ҳам дунёнинг энг кучли ҳакамлари рейтингига юқори поналардан бирини эгаллаган.

Ўзбек футболининг шўҳратини жаҳонга танитиш, халқаро майдонда унинг нуфузини оқсальтиришда ибрат ва намуна кўрсатгани, мил-

лий футбол ҳакамлари мактабини ривожлантириш ишига қўшган муносиб ҳиссаси учун Равшан Эрматов Президенти-миз Фармонига мувофиқ, «Ўзбекистон ифтихори» фахрий унвони билан тақдирланган. Бразилиядаги жаҳон чемпионатида 60 та баҳс ортда қолди. Олдинда ярим финал, 3-ўрин учун кечадиган беллашув ва финал ўйини кутиб турибди. Хозирданок кўпчиликни «Халқ қилувчи учрашувга қайси жамоалар чиқади-ю, уларни бош ҳакам сифатида ким майдонга олиб тушади?» деган савол жавоби қизиқтирмоқда. Албатта, бундан аввалдан айтиб бўлмайди. Шунчаки тахминлар илгари сурилиши мумкин. Лекин айнан ҳакамлар борасида гап кетганда, икки рефери номи асосий даъвогар сифатида тилга олинмоқда. Улардан бири ўзбекистонлик Равшан Эрматов бўлса, иккинчиси англиялик Ховард Эзббидир. Бу ҳам биз учун алоҳида гурур бағишлайдиган ҳолат. Умид қиламиз, «Бразилия — 2014» финалида ҳам ўзбекистон номи янграйди, ўзбек ўғлони ўз марафатини яна бир карра барчага намойиш этади.



XX жаҳон чемпионати ярим финалида куйидаги жуфтликлар ўзаро баҳс юрताди: 9 июль, 1:00. Бразилия — Германия; 10 июль, 1:00. Голландия — Аргентина.

Суннатилла ИСЛОМОВ.

«Йўл»

Алишер Навоий номидаги кинесаройида «Ўзбекино» Миллий агентлиги буюртмасига асосан, «Меъмор» студияси томонидан суратга олинган «Йўл» номли ҳужжатли фильм намойиши ва унинг ижодкорлари билан мулоқот бўлиб ўтди.

ПРЕМЬЕРА

Фильмда атоқли навоийшуно олима, «Буюк хизматлари учун» ордени соҳибаси Сўйима Қаниеваннинг ибратли ҳаёти ва ижод йўли хусусида ҳикоя қилинади. Таъкидлаш жоизки, «Йўл» мамлакатимизнинг маънавий-маърифий тараққиётига катта ҳисса қўшган ҳамда кўшаётган ватандошларимиз ҳақидаги «Замон ва тақдирлар» номли ҳужжатли фильмлар туркумининг давоми сифатида тасвирга олинган. Асарда олиманинг Навоий даҳосини ўрганишга оид илмий изланишлари, ноёб кўлэмалар талқини, шунингдек, тоталитар тузум давридаги қарама-қаршилиқлару зиддиятлар ҳақида сўз боради.

— Бизнинг бахтимиз — буюк аждодларини қадрлайдиган, олим уфузаларининг иззатини жойига қўйиб, истеъдодли ёшларини қўллаб-қувватлайдиган муштақил Ўзбекистонда яшаётганимиздир, — дейди олима. — Мен фаолиятим, илмий изланишларим давомида бир қанча юртларда бўлдим, кўплаб инсонлар билан мулоқот қилдим. Энг муҳим ишим — ҳазрати Навоий кўлэмаларини юртимизга олиб келиб, нашр эттиришга дахлдор бўлганимдир. Эшқобил Шукуров сценарийи асосида режиссёр Аҳам Усмонов ва тасвирчи Музаффар Юсупов иштирокида суратга олинган «Йўл» ҳужжатли фильми томошабинларга манзур бўлиши, шубҳасиз.

Дилфуза ҚАРШИБОВЕВА.

Истироҳат боғининг янги қиёфаси

Анджон шаҳрида жойлашган Нодира-бегим номидаги истироҳат боғи ҳашар йўли билан таъмирланди. Манзарали дарахт ва гул кўчатлари ўтқазилди. Тунда турфа товланувчи чироқлар ўрнатилди.

ОБОДЛИК

— Боғ ҳудудидаги сунъий кўлда чўмилиш ҳавзаси ташкил қилди, — дейди боғ директори Иброҳимжон Махсумов. — Музқаймоқ ва яхна ичимликлар дўқони иш бошлади. Боғ ҳафтасига етти кун фаолият кўрсатади.

Кўёш нурлари остида мавжланиб турган сув сатҳида ўндан ортқ катамаран, қайиқ ва бошқа замонавий сузиш воситалари дам олувчиларга хизмат кўрсатмоқда.

Сандаҳмад ШУКУРОВ, «Халқ сўзи» муҳбири.

«Ўзбекнаво» эстрада бирлашмаси тақдим этади! «МАРДИ МАЙДОН» жонли ижродаги кўшиқлар фестивали. Фестивалнинг асосий шартлари: кўшиқлар фақат жонли ижро этилади. Фестивалнинг асосий мезони: кўшиқларнинг янгилиги, оригиналиги, матннинг таъсирчан ва бадиий образларга бойлиги, ижодкорнинг овози, сахна харакати, нутқ маданияти ҳамда ижро услубидир. Фестивалда 17 ёшдан 30 ёшгача бўлган профессионал ва хаваскор санъаткорлар иштирок этади. Фестиваль лауреатлари 2014 йил сўнгида фестиваль якунига бағишлаб ўтказиладиган катта гала-концертда махсус диплом ҳамда эсдалик совғалари билан тақдирланади. Кўшимча маълумотларни «Ўзбекнаво» эстрада бирлашмасининг ҳудудий бўлиналарида, шунингдек, интернетдаги www.uzbeknavo.uz сайти орқали олиш мумкин. Маълумот учун телефонлар: (8-371) 234-52-90, 235-52-80.

ЭЪЛОНЛАР. ООО «FOLGOIZOL KAFOLAT» Фольгоизол предназначен: для покрытия кровли; для создания новой и ремонта старой кровли зданий; для гидроизоляции стен и фундамента; для гидроизоляции бассейнов, тоннелей, мостов и других сооружений. Эксплуатационные качества, подходящие для любых климатических условий: влагостойкость; долговечность; высокие изолирующие свойства. (+998 90) 175-65-00, (+998 90) 982-75-96.

WWW.XS.UZ Тошкент: Республика ихтисослаштирилган тиббиёт муассасалари ва Шошилич тиббий ёрдам илмий марказининг аҳоли саломатлиги муҳофазасидаги роли ҳамда аҳамияти мавзуга бағишланган анжуман бўлиб ўтди.

Халқ сўзи Народное слово. МУАССИСЛАР: Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси. ТЕЛЕФОНЛАР: Девонхона 233-52-55; Котибият 233-10-28; Эълонлар 232-11-15.

Бош муҳаррир Ўткир РАҲМАТОВ. 2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 769. 79 703 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нархда.

Тахририятга келган кўлэмалар тақриз қилинмайди ва муаллифга қайтарилмайди. Реклама материаллари учун тахририят жавобгар эмас. Газета тахририят компьютер марказида терилди ҳамда оператор М. Бемуратов томонидан саҳифаланди.

• МАНЗИЛИМИЗ: 100000, Тошкент шаҳри, Матбуотчилар кўчаси, 32-уй. Навбатчи муҳаррир — Ш. Ортиқов. Навбатчи — Д. Улуғмуродов. Мусахҳиҳ — С. Исмолов. «Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41. ЎЗА якуни — 20.25 Топширилди — 22.00 1 2 3 4 5